

# Berbekal RM50 daftar jadi siswa

## Dua beradik Orang Asli antara 4,139 ditawarkan lanjut pelajaran di UKM

Oleh Mohd Nasaruddin Parzi  
bhnews@bh.com.my

**Bangi:** Berbekalkan hanya RM50 tidak mematahkan semangat dua beradik Orang Asli dari suku Temiar ketika mendaftarkan diri sebagai pelajar baharu di Universiti Kebangsaan Malaysia (UKM), semalam.

Zamika Azmi, 21, dan adiknya, Sahsa Azmi, 19, adalah antara 4,139 pelajar yang ditawarkan tempat di universiti itu bagi melanjutkan pengajian pada peringkat ijazah sarjana muda.

Anak kelima daripada 10 beradik itu ditawarkan program Sarjana Muda Pendidikan dengan kejuruan (Sukan & Rekreasi), manakala adiknya sedang menunggu keputusan Senat.

Mereka ditawarkan ke UKM memertasi slot khas kecemerlangan acara sukan. Kedua-duanya pernah mewakili negara dalam sukan kriket dan meraih pingat gangsa pada Sukan SEA 2017 di Kuala Lumpur.

Pada temasya Sukan SEA 2019 di Filipina pada November depan, mereka sekali lagi mewakili negara dalam sukan itu.

Berasal dari perkampungan Orang Asli Pys Goh, Gun Musang, Kelantan, mereka akui cabaran besar dilalui untuk memenuhi impian melanjutkan pengajian di sini.

Zamika berkata, peluang melanjutkan pengajian di menara gading cukup bermakna buat dirinya walaupun terpaksa mengharungi tempoh pembelajaran sukar, selain perlu berjumpa dengan ibu bapa, demi memperoleh pendidikan sempurna.

"Saya kena tinggalkan kampung, ibu dan adik-beradik lain. Saya perlu belajar bersungguh-sungguh untuk membantu adik-beradik yang lain nanti."

"Jabatan Kemajuan Orang Asli (JAKOA) hantar saya ke sini. Kami hanya berbekalkan RM50



Sahsa (kanan) dan Zamika di bilik asrama UKM, semalam

saja untuk daftar pengajian di sini," katanya ketika proses pendaftaran di sini, semalam.

Zamika turut meluahkan rasa teruja untuk menyambung pengajian di UKM, apatah lagi ditemani adiknya sendiri.

"Sudah pasti seronok. Adik saya pun ada di sini (belajar bersama di UKM). Kami akan melalui hari seterusnya bersama, tinggal pun di bilik (asrama) sama," katanya.

Beliau mengakui perlu pandai membahagikan masa antara su-

kan dan akademik.

"Mencahar juga, namun kami akan cuba menibukkan diri dan mengurus jadwal kami sebaik mungkin," katanya yang masih terlibat dengan sesi latihan di Majlis Sukan Negara (MSN).

Ditanya perasaannya berjumpa dengan ibu bapanya, Zamika berkata, mereka perlu melalui tempoh itu, bagi memastikan masa depannya lebih berjaya.

"Sebelum ini kami banyak keluar (tidak menetap di kampung) kerana perlu menjalani latihan dan mesuk kejohanan (kriket). Untuk pulang ke kampung kami pun mengambil masa panjang."

"Ya, kami perlu berjumpa dengan ibu, tetapi saya janji akan belajar bersungguh-sungguh," katanya yang pernah mewakili negara dalam kejohanan kriket di Thailand, Sri Lanka dan Emiriah Arab Bersatu (UAE).

Ketika ini, Pusat Transformasi Komuniti Universiti (UCTC) UKM sedang menguruskan barang keperluan diri mereka, manakala JAKOA akan membantu berkaitan bantuan awal dan biasiswa Orang Asli.

# UKM sasar 85 peratus kebolehpasaran graduan

**Bangi:** Universiti Kebangsaan Malaysia (UKM) meletakkan sasaran kebolehpasaran sebanyak 85 peratus graduannya yang tamat pengajian tahun ini untuk memperoleh pekerjaan.

Naib Canselornya, Prof Ir Dr Mohd Hamdi Abdul Shukur, berkata aspek kebolehpasaran graduan sentiasa diberi perhatian universiti terbabit, berikutan keadaan ekonomi negara tidak menentu ketika ini.

Beliau berkata, bagi memenuhi matlamat itu, UKM merangka beberapa pendekatan inklusif dalam memastikan pelajar mereka diberi latihan kemahiran mencukupi, selain pendedahan mengenai dunia industri.

"Kita berusaha sedaya upaya melengkapkan pelajar dengan kemahiran dipertingkatkan pasaran, selain mengukuhkan jaringan antara universiti dan industri."

"Kita mahu industri masuk ke kampus dan mengajar bidang tertentu. Hampir setiap bulan, ada program industri datang mem-

beri ceramah dan menjalankan aktiviti, sama ada di kolej (penginapan) atau fakulti.

"Kita panggil industri yang relevan membantu mengukuhkan perhubungan kerjaya pelajar. Kita harap program sebegini akan meningkatkan tahap kebolehpasaran graduan di sini," katanya pada sidang media di universiti itu, di sini, semalam.

Yang turut hadir, Timbalan Naib Canselor Hal Ehwal Pelajar UKM, Prof Ir Dr Othman A Karim.

Selain kebolehpasaran graduan, beliau berkata, UKM juga memberi tumpuan kepada program pembangunan sahsiah pelajar, bagi mengukuhkan tahap kepimpinan mereka dan membina daya saing tinggi.

"Program akademik seperti yang kita ada, tetap diberi fokus. Namun, dari segi hal ehwal pelajar, kita akan memantapkan lagi Program Citra dengan memberi penekanan kepada pembangunan sahsiah pelajar. Kita



Mohd Hamdi (tiga dari kiri) dan Othman (dua dari kiri) pada sidang media di Universiti Kebangsaan Malaysia, Bangi, semalam. (Foto Nurul Nazlina Iemon/PHI)

akan beri kredit dan mahu kurikulum tambahan ini ada kualitinya.

"Dari aspek kepimpinan pelajar, UKM juga menjemput pelajar hadir mesyuarat senat, selain pelajar itu sendiri akan terlibat dengan aktiviti pemilihan Majlis Perwakilan Pelajar (MPP). Pelajar akan mengurus sendiri dan kami hanya membuat pemantauan," katanya.

Mengulas hari pendaftaran pelajar baharu sesi akademik 2019/2020, Mohd Hamdi berkata, seramai 4,139 pelajar diterima memasuki universiti terbabit dengan

menawarkan 71 program ijazah sarjana muda.

Daripada jumlah itu, katanya, kira-kira 2,500 pelajar diterima masuk adalah mereka daripada golongan isi rumah berpendapatan 40 peratus terendah (B40).

"(Daripada jumlah itu) kuota (pelajar B40) yang dimohon Kementerian Pendidikan (KPM) seramai 400 orang. Kita sediakan mereka dengan kemudahan penginapan dan bantuan kebajikan pelajar berseduahan," katanya.

Beliau berkata, berdasarkan re-

kod permohonan diterima bagi sesi akademik kali ini, lima bidang sarjana muda popular yang menjadi pilihan pelajar adalah pentadbiran perniagaan, pengajian Islam, ekonomi, pendidikan khas dan sains sosial serta psikologi.

Pada Minggu Mesra Mahasiswa (MMM) yang diadakan sempena kehadiran pelajar baharu, beliau berkata, UKM menganjurkan beberapa pengisian program seperti 3M@Fakulti, kepimpinan di kolej kediaman, slot bersama penaras UKM, Digital Native Agenda 22, majlis tahfid dan forum.